

興化府莆田縣志卷八

職官志

名宦傳

宋段鵬京兆人太平興國五年由知興化縣加著作郎擢知興化軍會轉運使劉克讓以游洋轉輸不便請移治于莆詔從之鵬乃覽視形勝以都巡檢廨為軍治建崇樓於軍治之前以鳴鼓角遷都巡檢廨於子城之西以便巡警建都監於軍治之東以勾稽兵馬諸公事雖勞於使民而民不怨後世

興化府莆田縣志

卷八

職官

一名

論翹始者稱段知軍云

曹修古字述之建安人起家進士天聖末以御史控疏忤旨出知既抵任淡泊簡易最稱循良再歲病卒橐無餘金士庶相與醵錢三十萬緡助喪其女年十六哭帷中云我先君清節名天下即束脩之遺猶恐黜之今不幸以直言謫死柰何以數萬緡污巖其九原乎卒拒不受

劉諤嘉祐中知諤他政無所考惟劄太平陂功最鉅世食其利按故興化縣有菽蘆溪流甚紆長諤址





石溪流堰而爲陂仍作圳引而南注圳循山行咸用石砌遇山壑斷處復作砥柱駕石船而飛度之其勢磬折蛇行二十餘里及入境始分爲上下圳於是士庶祀諤陂旁廟名太和廟陂爲太和陂云

廖剛字用中順昌人起家進士受知陳瓘與楊時相友善性質直學術醇正初官國子學錄擢監察御史時郡人蔡京柄政剛屏跡未嘗一造其門所親風之曰吾安能作呈身御史乎京銜之宣和五年出知興化軍清淨悃惓無赫赫名既去人繫思之

興化府莆田縣志

卷八

職官

二名

逾於何武

張允蹈隆興二年以朝請大夫知先是延建汀邵山寇起轉運使措餉失辦暫移本軍苗米二萬五百石輸之會城以佐軍興已而遂成故事名猶剩米民不勝病允蹈狀于朝詔蠲其半

鍾離松淮東人乾道三年以朝請郎知先是知軍張允蹈奏豁猶剩米之半松至嘆曰此譬之負擔者稍減重任未獲息肩如修塗何乃奏言一州一郡自有一州一郡之財賦設或不免通融支撥但裒



多以益寡未聞哀寡而益多者也興化歲入纔及福州十二分之一豈應翻令小壘裨助大藩伏望盡行蠲除以寬民力詔盡除之

潘時字德鄰金華人乾道九年知有女官道士求勅額持樞院張說書來時曰爾奉道乃干請於時貴吾不能佞道君而能佞達官耶卒拒之故事紹興中有經總二制虛額錢若干萬時奏蠲之好與民興利築洋城陳壩二陡門又嘗修郡志今失傳

趙彥勵字懋訓浚水人紹熙元年以朝奉大夫知涪

興化府莆田縣志

卷八

職官

三名

郡之再歲會雨水傷稼故事三縣課夏稅錢幾二萬緡又額徵僧道錢幾七千緡彥勵請以贏錢伐輸而於雜調則乞汰舊額詔咸從之其他撥寺租以克學廩創橋砌陡門建坊表築衢路巷陌始若煩瑣後皆稱便又嘗禮致鄉縉紳鄭僑修郡志十五卷自爲序今所傳紹熙志是也

王居安字資世黃巖人開禧中以司農丞知既至條奏便民事乞行經界法以均賦役禁航海交易謂犀象翡翠諸物誨淫啓侈其有敝所恃以資無益



者宜禁止嘗念諸生餽廩不給以廢利田一十頃  
克之又通商賈以平米價擒劇盜以安平民皆善  
政也

曾用虎字君遇晉江人丞相公亮裔紹定中知時汀  
邵山寇數發前守王克恭倡議築城無何卒通判  
趙汝盥繼其役尋復卒於是民間訛言謂地不利  
且罷民用虎嘆曰吾豈可避于思之謠而不思莒  
之所以亡邪乃築軍城延袤七里有奇旣竣業下  
令蠲是年夏稅之半而以樽節贏金輸之會太平

興化府莆田縣志

卷八

職官

四名

陂廢用虎悉易以石縣丞陳子願謂松性宜水寘  
松於裏飾石於表可省費用虎曰木不壽於石明  
矣悉易以石陂成爲更名曾公陂仍菴以祠之

楊夢信廬陵人端平中由國子監丞知郡舊有濠塘  
田以贍學廩地傍海數遭巨浸郡人陳宓嘗捐俸  
錢八十萬築內隄扞之旣而謀築長圻抵于海乃  
以塘田勾貸於富人久之田沒貸主而諸儒生困  
教授顏若愚白狀夢信連出帑金贖之廩餼得饒  
而貸田者無折券之苦其平政類如此



楊棟字元極青城人爲學本於周程嘗進對帝曰止正心修身之說乎棟曰臣所學止此用之事親取友治凋郡察冤獄至爲簡易淳祐中出知軍事初闕里孔氏曰仲良者唐敬宗時令莆田因家涵江後朱文公熹經莆口訪得其子孫爲語郡邑特立先聖後戶籍以別齊民至是棟爲建廟擴田創書院聚子姓肄業其中本傳載棟名士賈似道欲收時望嘗論薦之會彗星出棟陰請上逐似道似道覺被疎而去

興化府莆田縣志

卷八

職官

五名

劉子翬字彥冲崇安人學者稱屏山先生朱文公熹嘗受學焉子翬純孝以父韜死靖康之難痛憤哭泣親知解之曰此王事也非王哀比子翬收淚謝之然終不能解也每讀史至蕩陰之役輒掩卷刺心曰吾忍爲稽侍中乎建炎四年服除通判興化軍明年以不堪吏責辭歸武夸山其爲政務存大體誠心愛民尤汲汲於勸民興行時逸寇楊勅犯閩子翬與郡將張當世畫計備禦如素習戎事者賊不敢犯去



劉汝舟字元達建寧人起家進士政和中調郡司法  
民有王姓者貧饒病卒妻有娠族輩利其財不以  
遺腹聞守墨吏也輒欲籍其產汝舟嘆曰豈有絕  
人之孤啗人之業乎力爲爭之已而王妻生男復  
簿記其田宅若干授之宗老約男稍長卽持簿與  
之守衙甚汝舟徑納告身歸後王所生子名濟登  
第竟莫知汝舟恩

黃禹錫字仲元惠安人初爲留從効別駕後歸宋以  
檢校水部郎中攝縣事會游洋人林居裔據險倡

興化府莆田縣志

卷八

職官

六名

亂函書諷禹錫爲援禹錫叱之曰吾欲割及若腹  
乃附若邪潛使長子觀乞兵于漕使楊克讓居裔  
聞之以計昇禹錫與其次子置帳下詰以乞兵故  
欲殺之會觀兵至居裔惶急未敢輒及已而力誑  
泥首請降詔嘉禹錫忠尋請老以疾終

薛奎字宿藝絳州人真宗朝以大理丞知縣事請蠲  
南閩時鹹魚蒲草等稅民愛之奎性剛不苟合臨  
事持重明決後入叅大政謚簡肅

廖德明字子晦朱文公熹高第淳熙中知縣事守正



不阿導民以正時邑有達官請邑傍閒地以益西宅德明持不予守會僚屬風之德明正色曰請邑地卽以地予假令請郡治太守將避正堂讓之邪達官聞之色沮嘗以興化縣主簿才薦之當道後德明入游洋簿感知已置酒延之悉假富人觴豆甚盛德明不悅曰一主簿乃若是侈邪必貪也遂絕之嘗創仁壽廬于邑南以憩旅遊被病者請于郡得廢寺產以供藥餌又叙其本末爲條約以傳文公爲之跋云

興化府莆田縣志

卷八

職官

七名

陳仲微字致廣高安人以進士調縣尉攝縣事會歲大祲軍卒挾饑民爲變仲微僇其首謀數人餘置勿詰嘗有家居縉紳薦仲微於當塗而私以尺牘遺之者仲微不開緘而藏之踰年其家數負租稅仲微逮其僕僕以主公往事告仲微乃索原牘返之封緘如故因諭之曰乃公儻有希進心獨不能自作子公書耶囊山寺僧與郡學爭水利各持曲直久不決仲微謂爾鬣何敢奪澤宮利竟歸之學僧憤乃書其事于鐘旦夕考擊詛咒後仲微以他



事過寺見鐘書笑曰吾何心哉西佛有靈罰且不  
爽質明其僧無疾而死

元烏古孫澤字潤甫臨潢人其先出女真烏古部澤  
讀書解大意多材足智至正十五年爲總管先是  
陳瓚嬰城久不下澤從唆都攻陷之唆都下令屠  
城澤以計說止之及涖興化民歌舞迎候于道曰  
是吾再生父母也時郡新殘于兵澤首令瘞暴骨  
撫流移吏援例請籍戰死者田產澤不可乃訪無  
後者皆以田產歸其族姻初江南盜起民自相什

興化府莆田縣志

卷八

職官

八名

伍保衛至是主者議籍爲兵上下洶洶澤白行省  
罷之尤留意學校行鄉飲酒禮以勵風俗後人以  
澤與常袞方儀並祀學宮

郭朶兒皇慶間爲總管嘗創萬金陡門引木蘭陂水  
北注南洋人以爲非便朶兒慰遣之曰南水直注  
其力大北水橫注其力小且水道回遠餘波有限  
如遇橫溢亦可爲壑不爲病也又於新港置泄及  
擢本路漕使乃因舊址創陡門即坡下建通濟橋  
張仲儀燕人也延祐二年繼郭朶兒爲總管初朶兒



創萬金陡門未竟以秩滿去仲儀益開山浚河引水繞郡城之北又於木蘭陂下重造通濟橋六間以便來往而蘆浦陳壩二陡門仍加重砌以殺水怒人謂朶兒善創仲儀善因功可次吳長官云

明蓋天麟洪武三年知時天下甫定改置官署天麟移郡治于縣廨而以衛轄徙郡所凡一切官舍悉更規制又以士風久懼鄙習乃亟修廟學雜采古儀禮並禮官著令者定四配十哲位飭兩廡像而齋舍饌堂祭器凡井井具於是風化頓改士庶忻興化府莆田縣志

卷八

職官

九名

然復睹漢官儀矣

李春字崇義滎澤人洪武十三年知仁恕簡易好與民休息會衛帥增戍卒請拓地益城春乃度賦授役衷益均平且發刑徒以佐之而西湖陡門及陂堰修治之費咸以樽節贏金爲辦筦庫之士無所預後以勾當入會城被疾卒士庶相約數百人往哭請葬郡治夫人出帷中泣謝曰禮遵首丘魂忌旅泊若等得遂桐鄉之情其如李家封樹何遠苦吏民勿復爲煩乃乞衣冠葬于南門篠塘山之南



周宗燧字景琰天台人永樂初由行人知倜儻有奇節時衛帥凌脅郡邑宗燧毅然曰若等薄我爲守文曲士邪乃更以禮自持問遺請託一切謝却帥遂見憚獷卒與小民爭道卒毆民宗燧輒以法繩之帥數爲之請不貫於是介胄始知有二千石之尊各折節引避無敢與郡邑抗矣宗燧詩才清逸好與士大夫倡和遇名勝處多留題其上

潘本愚博羅人天順初以給事中出知爲人有心計長於政事時禁網踈濶富者得歲收免課貧者代

興化府莆田縣志

卷八

職官

十名

輸不給輒逋去本愚廉其狀乃風諭聽首服欺謾半區悉沒所有於是民爭改籍而輸賦均矣重建府第材木甍石多取諸廢刹修鄭坂泄口二陡門則相地高卑視水緩急至今利焉後復改漳州亦以能吏稱甫半載卒于官

卞正字季方溧縣人成化元年知正素抱奇節以直閣重臣領郡稍厭俗調視事多宏濶畧細務無所引嫌嘗建涵江書院及孔子廟鑄祭器又毀淫祠作小西湖開兼濟河掾白故事槩具文報正曰此



太守事也何須煩使者代乃公畫便宜耶白埕港  
壞亭長請塞港正乃購民田開河濬水直趨可數  
十里江口橋控拒南北石梁塌吏白例移牒福清  
令分具人徒正不欲煩旁邑且自饒其力曰吾豈  
牽咫尺例邪遂兼治之時巡海叅政陳蕙嘗狀列  
正事而按之後知其不持一錢入乃止三年入朝  
乞歸所著有類博稿二帙存之郡齋正受知英宗  
嘗疏發曹欽石亨爲肘腋禍已而左遷謫戍事載  
國史及鄭曉吾學編中

興化府莆田縣志

卷八

職官

十一名

潘琴字舜絃景寧人成化八年由進士知琴厲志學  
古操行端方視事不受干請縉紳或以折柬至者  
書其緘曰片言能折尺牘何爲竟以其柬還  
之市舶中璫崔某下泉漳索海物前驅已近琴始  
出郊謁候璫素驕貴輒命校卒數十人擁迫叱辱  
之琴不顧引車返已而庠士蕭弼甫沈文瑩兩生  
者師諸生數百人詣璫抗辨云我等義不辱無不  
願爲太守死者璫氣索第以手麾之出曰惜大何  
與也旦日璫悄去琴視事不出餞嘗厭郡學所祀



鄉賢間多濫竽一日校士著策問令諸生評隲時  
宋端儀論次有倫琴採其語而汰之其慎重瞽宗  
之典如此後入覲自度寡諧力引疾去

王弼字存敬黃巖人初爲刑部郎司寇彭韶佐吏也  
司寇雅器重之會郡乏守言於太宰授之至郡練  
達敏給一切厝注悉以意行吏惟抱簿牒署當行  
案尾而已隸卒庭列非呼召不得上或有通掾史  
營他遣輒逐之并罪掾叅議程逢拱議割郡賦稅  
以佐白沙驛使者可其議弼乃條利害本末疏懼

興化府莆田縣志

卷八

職官

十三名

于朝詔從弼言會漳寇焚劫隣封鎮巡集議調諸  
衛丁壯以討之巡海副使馬堊檄至且面語之弼  
曰衛多羸卒可守城嬰塹而已如以檄去萬一賊  
鼓行而南是以城予敵也守知有城耳乃封還調  
檄堊壯其語賊亦尋平其陂塘陡門官署諸興作  
頗類季方第斤斤循繩墨不能爲非常役也久之  
病卒靈車就道執紼扶櫬者至不能行乃哭請衣  
冠葬于篠塘山之南與李守聯封云

陳效字志學南陵人弘治十七年知時連歲大祲效



躬行阡陌拊循臨問一日覽郡乘斷自宋紹熙間  
乃嘆曰逖哉寥乎杞宋無徵孔子傷之予忝二千  
石柰何令一國之史竟絕于予乎乃請方伯周瑛  
編修黃仲昭館之于南山僧舍編摩更二載始卒  
業又嘗疏薦孝子劉閔于朝得請爲郡訓導此皆  
其大者也

張琦字君玉鄞縣人正德間知治尙清靜有來質成  
者琦輒風諭之使講解去於簿領諸煩瑣科條一  
切持簡以故府中無事數與林少保俊往來賡和

興化府莆田縣志

卷八

職官

十三名

嘗有味海棠一絕云微紅初上頰便覺春多夢窓  
外有人無鳥踏花枝動視郡六年不假鞭笞而自  
治數乞骸詔陟本省叅政歸著有白齋集四帙刻  
之郡齋

馮馴字行健岳池人正德十一年知爲政尙威嚴閭  
里輕俠姓氏悉誦其跡而籍記之時惡少輩標九  
龍十虎以蒲博胠篋爲業睚眦之恨輒目爲仇家  
而中之連衡死黨人不敢邇馴以計鈎致悉按之  
法無一縱舍者獵人嘗斃一虎送郡馴鏤其頭爲



枕而寢其鞞銘曰非爾髀吾何以枕非爾鞞吾何以寢起視海岱吾安吾朕會草竊起故借虎爲况寇恫惴其威而微解其意各渡河去視郡七年里不知有豪民不知有吏後擢本省右轄轉江西左使卒于官郡人思之大理卿林茂達爲著德政碑云

朱袞字朝章上虞人嘉靖初年知袞清標雅潔有詩才且善晉人書每有榜諭輒擬案行書之爲一時傳誦堅直孤高人莫敢干第好以新意紛行條約

興化府莆田縣志

卷八

職官

古名

稍左民情而浮議興矣少保林俊嘗作十嘆詩以風之袞卽解綬不終日去林不逆其遽行也後數以爲恨袞子朋求登壬戌進士

楊銓豐城人視郡甫三月以憂去清靜長厚嘗有達官笞其里子復裁牘以狀詣郡銓署其尾云士夫旣已信威有司何可再譴投其狀推案起士庶快之

葉觀字國光江都人嘉靖七年知觀器度明雅用長者爲政又緣飾以文學嘗創書院簡諸生中有文



行者橫經其間念諸生多習伏毛二經乃以所業  
易旨授之又合本義程傳爲帙刻之郡齋而治易  
者始稍稍起矣旋擢湖廣憲副去後復姓爲樓子  
樓懋登壬戌進士

黃一道字唯夫揭陽人嘉靖十三年知一道剛果強  
直初之郡會有巡海監司行縣至郊迎返監司入  
閤久之輒令人扣扉請謁監司亟啓鑰下堂解顏  
謝之使者視學坐明倫堂有都指揮列席于上一  
道出揖云武弁不解經生業可先退都指揮唯唯

興化府莆田縣志

卷八

職官

十五名

辭去嘗勾當入仙邑有鄭富人者先期約邑中縉  
紳懇一道况臨其家至期富人伏謁道旁乞稅駕  
乃大叱曰爾以饒豪一邑便欲啗我爲快爾橫邪  
卽械之從間道返抵郡牘報諸縉紳云偶繫一姦  
萌歸遂忘與諸公言其簡傲如此雅好書書學趙  
孟頫嘗作大學聖經一幅勒于明倫堂合扉上字  
逾半尺道勁高古今燬于火又修寧海橋海隄爲  
功最茂詳具橋隄中已而入覲免歸士庶歎悼恨  
不見其成也



許瑄新安人治行亦類楊銓會督學使者校士稍刻  
瑄數長跽爲諸生請諸生德之期年亦以憂去

沈鑿字大新秀水人初以進士授郡節推會吳達爲  
守質訟以細民必詘折於巨室數曲右之而豪民  
逆守指因妄生事以中巨室即士大夫家亦苦於  
爲勢受惡不能自直鑿時時爲之調解數從使者  
行部所至有疑獄即使者面授指鑿亦質之刑書  
不妄傳其有註誤者輒便宜釋之嘗署邑事直庫  
之卒日具清茗一盃即薄蹠跋燭諸細瑣一切惜

費後復知郡民間舊使君來歡幸跂足以須至則  
憐念有加無何憂去郡人以不得詣闕奪情爲恨  
乃相約數百人送之境外雪涕爲別

吳達字近光新淦人嘉靖十六年知達風儀雅整清  
介孤高與毗陵唐順之吉水羅洪先爲論學交之  
郡携一蒼頭自隨平居悃悞如長者遇事有不嫌  
即銜之上大夫不恤也御史李鳳翔行縣至頗深  
刻鞭撻人每以絙束兩足伸其股肘處受杖多至  
死達嘆曰此即司隸校卒也御史寧能自持箠耶



廼繫諸隸卒妻兒誠之曰若愛妻兒乎若能以不  
博從御史令乎若入第用常法不則妻子死獄毋  
恨也已而御史呼卒卒遂巡不直前答復在臀御  
史怪之卒環泣具告之故御史不能奪斷訟好右  
細民左大豪細民即稍曲亦爲之解大豪或偶直  
必切讓之三年秩滿以母老請御史得持牘如京  
爲過家計御史置不省忽一日趣裝令蒼頭負一  
簾先行而單車已辦父老數百人擁入郡齋內哭  
遮道不得發其後五年擢四川按察司副使入蜀  
與化府莆田縣志

卷八

職官

十七名

無何偶與使者語不合輒投劾歸嘗修治南北洋  
陂洞陡門功甚茂詳具水利中

周大禮字子和崑山人嘉靖二十一年知大禮吏才  
敏給令行法信時郡中諸偷夜集郊坳分布各黨  
共盜牛而屠兒諸惡少陰爲根柢殺牛無數大禮  
廉諸屠兒狀語之曰若輕扞法罔今姑貫之與若  
更始若三八吾禁可引鴆自裁毋煩具獄爲也令  
初布諸屠兒相顧謂此謾語耳已而犯者囊頭繫  
趾伏之道左與之期期至隸卒迫其妻兒持鴆飲



之遂立絕於是屠兒憚不敢犯群盜解散旁郡聞之皆心服其能會歲大禱斗米過百錢大禮以入覲去攝守者孱鄙聽民間勒諸巨室困庾以爛錢抵其值於是諸無賴嘯聚萑苻變且起大禮聞之過家不信宿以單車疾返發帑錢數千緡散諸閭右令分道乞糴隣封諸閭右素服威信爭出貲爲辦已而粟米泛舟先後至所全活不下數萬人其拯民利物率類此又置公田若干畝于游洋舊縣人呼爲周公田後擢海南副使轉河南叅政歸邑

興化府莆田縣志

卷八

職官

十六名

人都御史林潤開府姑蘇時嘗疏薦大禮有邊材具述其治郡時遺愛詳載林願治疏稿中

陳瑞龍字體乾潮陽人嘉靖三十九年知時值助勦倭屢傳城下瑞龍手編守陴令凡縉紳齊民有丁徒力能勝兵者悉籍記之又令城下遊兵分更傳箭日坐藍車或徒步夜則令一卒提一燈隱隱爲微行坐失守者笞撻不廢已而母卒官舍撫按以兵革未息留之仍以墨衰匝行城上尋亦卒舍殮皆賻之同年後靈車迨郊壘竟航海去士庶哭送



者數百人

易道談字進明巴陵人嘉靖四十二年知時郡署焚  
燬道談至睹瓦礫遺墟愴然傷懷以故苦節自厲  
諸煩苛悉蠲去時海上警檄一月四五至而城樓  
未豎會厲禁航海木不得連筏至道談勞神措畫  
或撤之廢剝巨棟或市之民間故宅急爲繕完以  
扞復於壕塹內創築羅城民稍有固志又夫保館  
夫二繇役最爲敝法道談條其狀白之按史李邦  
珍得裁罷且自署牘尾曰後復以故事請者輒有

興化府莆田縣志

卷八

職官

十九名

天譴蓋深病之也三年擢本省副使嘗以監軍行  
縣至父老擁趄者數百人或遮道交語曰此吾故  
使君也吾屬數苦游兵投宿輟釜今無患矣

范梅豐城人萬曆十五年知沉毅有特操愛民禮士  
每涖學進師生討論經旨諄諄以率俗厚倫培養  
氣節爲首務凡民間爭訟必諭令和解不得已始  
按律剖曲直不少徇念郡當泉漳孔道士瘠賦繁  
輪蹄絡繹乃申馳傳之禁得所節縮郵金千餘兩  
故事解府備他費梅叱曰柰何令帑有羨金而更



敲扑吾民煩供億也輒請兩臺以所羨當歲額之  
入得捐是歲驛傳如其數竟以執行憲綱禮齟齬  
當道入覲被論去

李大欽字惟敬浮梁人萬曆二十六年知甫下車營  
聞隸卒營差擾民凡有鉤捕惟令鄉約長持牒至  
則立訊庭無留獄故事鄉飲酒禮先一日郡守肅  
之於賓舍賓設饌醪以待大欽率同僚拜畢即行  
曰賓先爲主治具匪禮也至日威儀秩秩橋門之  
內倏焉改觀分守徐公即登議建明宗書院大欽  
捐俸成之月定課期親校諸生文體爲之一變纔  
數月以前南刑部大察調去輿論惜之

興化府莆田縣志

卷八

職官

三名

劉忠字良弼鎮江人正統中以舉人久次太學擢郡  
同知時延邵山寇大起天子命粵南大將來討道  
出于郡征卒數人市魚烹之蛆見遂相與大譟執  
市魚者白帥言狀云此蠱毒也帥不問辨輒行軍  
法忠亟排轅門語之曰此魚腹中所產非蛆也急  
取啗之帥悟乃解縛市魚者出叩頭謝曰公行稍  
遲吾頭斷矣



悉廉知其主名按籍可論又不斤斤以擿發自見  
滿六載擢刑部主事去

孫養正字聖功吳江人萬曆三十四年任郡節推精  
於聽斷嘗置善惡二籍每朔望令保甲條報民間  
事備書其上約毋得以謾語溷乃公比他時有告  
發者取籍視之具知其人本末以故訊獄多得情  
大豪凜凜重足矣攝邑時奉恩詔蠲是年賦額十  
分之一吏具牒概徵之養正叱曰壅天子德意令  
百姓日困誅求爾輩罪豈足贖哉竟如詔行亡何

興化府莆田縣志

卷八

職官

三三 名

卒于任人咸惜焉

吳麟徵字聖生海鹽人天啓壬戌進士以建昌推官  
補任值誕日有製錦幃賀者斥之曰吾初蒞此實  
政毫未施行是何以堪立取焚之自是莫敢干以  
私獄訟冤滯多所平反嘗自題署中云幽蘭含古  
意香荔見丹心未幾擢吏科都給事中甲申之變  
將垣中叅駁諸要事一一簡出付其僕曰賊入必  
縱焚吾所掌不可沒也沒負君矣一語不及家事  
從容自縊



郝彪佳字幼文山陰人天啓末爲郡節推少年精吏治雅愛作興士類待胥役以嚴未嘗少假嘖笑遇事明敏讞決各得其情民以不寃性和而節勵在郡六載如一日擢南京監察御史莆濱海漁民有失風漂泊者汎弁以得賊報屬彪佳讞鞫無據因詰其鄉音諭曰此平民爾吾泣莆久極知莆民之良悉釋而遣之

雷應龍字孟升金陵人正德間知縣事性淵涵沉毅而風裁凜凜視事甫再月郡守馮馴至遂相倚重

興化府莆田縣志

卷八

職官

三孟名

諸所措注守曰不可令曰可者輒行守曰然令曰不然者輒罷百姓爲之謠曰太守疾如馬邑令迅若雷蓋並稱之也寬繇緩賦有鬻子輸稅者見之潛然出俸贖還且痛自撾咎曰乃公獨不能作政拙令民至此乎力毀淫祠而於文公諸賢則亟尸祝之三年雨暘時若夜靡不扃于時旁邑諸良令偶以使者符勾稽至輒咄咄受成事去曰無持布鼓過雷門也七年召入爲御史民爲立碑繫思應龍之後有王鉅新安人長於吏才操筆著論亦有



竒趣嘗校藝儒林評取率時彥顧性傲與郡丞李  
翺有郤率以此軼壙云

陶謨字大顯嘉興人嘉靖十四年知縣事性澹泊嘗  
郊謁監司憩郵亭中會盛暑亭卒具瓜菓豆湯進  
輒誠勿入曰吾性耐暑渴飲清泉而已又一日之  
村落勾當留宿田家見田父爭治供帳輒召里胥  
讓之云此屬數暴露田間乃令其出帷帳璫瑜是  
指黔婁爲程鄭也吾卧能帖席乎御史李元陽行  
部至以故事捕民間豪猾若干人謨跡其尤者一

興化府莆田縣志

卷八

職官

三五名

二以復餘悉封還督學江以達少年負才藻校士  
以復古文詞爲先齒稍長者輒以文無竒黜謨力  
言人才難得且士久牽註疏一旦望其作秦漢語  
卽茂才異等亦難之於是得免除籍者百餘人追  
呼無符鞭朴不事每坐夕堂輒手疏其髻移時退  
時郡守吳達達治體負名高亦自謂不如也三年  
徵入爲御史民繫思如雷侯陶後有李天榮者豐  
城人以平易近民而期會之法上下便安云  
莫天賦字子翼海康人嘉靖四十二年知縣事時瘡



瘠甫起而竄食殊方者又數千人天賦撫字招徠  
稍稍復業方賊屯城中諸惡少匿山谷間攫金褫  
衣卽里閭熟識者亦公共持物去後事定府幕輩  
跡其數十人因之株連纍纍天賦知民間苦逮急  
也密白郡守易道談牒諭諸村落非郡邑堂上符  
牒至者衆輒舁之詣府於是諸幕官始斂手相誠  
無敢爲姦三年擢南京刑部主事攀送者數百人  
留鳥爲別天賦去代則姚江徐執策強直持法操  
勵尤嚴人爲之謠曰難教明月莫去却喜清風徐  
興化府莆田縣志

卷八

職官

三六名

來亦實錄也

葉承遇字思章永嘉人萬曆五年知縣事性慈易寬  
惠務與人休息巧摘鷹擊非其好也邑田舊分官  
民直則官輕而民重賦則官重而民輕鬻者往往  
譌官爲民利厚直而存餘糧於戶積久難償則逃  
徙去耳承遇欲均田爲一而私念浮糧無可攤會  
奉命履畝卽以丈出餘田折補其額於是一則法  
行閭閻便之先是編派里甲多右巨室而役貧民  
承遇廉得其實悉與更定卽豪貴無所避治邑幾



六年未嘗妄撻一人輕市一縑堂簾空垂內人告  
乏弗恤也癸未內召藩司檄留完逋毋徑行民間  
之爭先輸負遂得如期集闕下授御史至今遺愛  
在人每談均役田事輒爲涕下云

何南金泰興人萬曆三十六年以進士知縣事性倜  
儻有文名爲政暇於邑中佳勝智泉碧瀨諸處徜  
徉憩息皆有品題碑板纍纍可誦嘗捐俸修江口  
橋先是官路狹小濡軌不便南金復闢爲康莊行  
人德焉著有悲華館詩集刻署中卒于官

興化府莆田縣志

卷八

職官

七  
名

吳彥芳字延祖錢塘人天啓末以進士知縣事遇事  
守正士民德之會巡撫熊文燦行部以無賄怒之  
遣吏挾去通郡罷市士民數千人馳蒜嶺奪歸導  
以綵旌鼓樂名聞京師擢四川道監察御史

金滌字澱如崇德人崇禎庚辰進士十四年知縣事  
甫下車延諸生課藝加心獎借多成名士爲收寬  
嚴並用中恪謹奉法惟和諒立條款民不知有過  
呼聲除水賊山賊首等民賴以安行取去士  
民羣送致百人建祠肖像祀之 國朝康熙間滌



姪臯謝字應台以戊辰進士來知設便民單自繳  
籤勸民輸課歲省金錢無算捐俸重建縣堂整縣  
學文廟修莆田縣志與潞實相後先云

葉叔文湖州人正統間邑丞有吏才且具心計時木  
蘭陂壞郡檄叔文往視語人曰董公以板傅土以  
石傅板其易壞固然也於是築上下堰以涸溪海  
二流椽杙入地深九尺廣視舊加丈有二尺口吻  
相饒牢不可動凡三十二門伐石爲榘立砥柱壓  
以巨石又累石內外以斲二流而南北溝洫洋城

興化府莆田縣志

卷八

職官

三人名

林墩蘆浦諸陡門咸以次重新叔文有機數好持  
人短長郡守陳敬竟爲陷去經歷黃敏嘗切讓之  
後有人告其陰事于監司監司屬敏鞫報敏械繫  
案治之以罪去

前志曰葉叔文以機數陷長吏此胡可訓即片長小才奚足齒哉然

其興築之功亦  
有不可沒焉者

叔文之先有葉焱者嘗改造東山

石涵以平茅汝直之訟有名於洪武間嘉靖初年  
有江宇者豐城人亦稱醇謹便民邑人御史朱瀚  
嘗有文記其遺事萬曆初又有葉竒蘭者慈谿人  
小心謹畏卒于官囊篋蕭然棺殮賻之長令



汝艮湖廣人邑典史嘉靖二年山寇猝至艮督兵往捕以奮勇射賊一人爲流矢所中昇抵舍死

鄭思道永嘉人萬曆十年爲興化衛經歷衛轄五所千餘卒每給單以支月糧一單鈐一叅軍篆例有用印錢若干緡思道一切革去不受或奉公檄檢勘屯田第驅羸馬緩轡而行一軍伴裹宿糧隨之卽一蔬一茗不以費民間雖田夫野叟殊不辨其爲官也歷九載清苦一轍擢德州同知

蔡宗充字希淵山陰人正德丁丑進士請爲郡教授

興化府莆田縣志

卷八

職官

三九名

初至力復古道會御史周鵠行郡謁廟宗充令諸生稍磬折于道旁鵠坐車中目懾之不爲動謁竣登明倫堂宗充長揖請遵令甲得陪席聽講鵠盛色叱之曰豎儒胡省令甲事宗充退卽以散服辭廟裝行鵠故檄府羈留意欲困之宗充不以爲意久之布政席書移檄至詞若譏彈宗充而意實刺鵠宗充得檄不能再辱卽以詰朝歸諸生出餞者數百人郡中縉紳各以詩壯之後爲四川督學使與按使不合輒自免家居



王翥字九達泰和人文端直五世孫少游王陽明門  
嘗與鄒守益羅洪先講學於青原白鶴嘉靖二十  
八年授學諭會督學朱衡翥同郡士也爲開講堂  
於鳳山梅峰水南涵江令翥主盟其中樞趨者常  
數百人翥擁坐皐比剖析奧趣于時墨守註疏帖  
括之習曠然一變矣久之病卒惟餘敗瓊做席殯  
殮皆賻之及門已而相與私謚曰貞穆先生名其  
所論著者爲遺教篇云

林敦忠字恕甫晉江人萬曆間任郡教授恬澹簡默

興化府莆田縣志

卷八

職官

三名

飲人以和每月課士必親爲品隲獎誘不倦郡中  
餼廩士念學師冷局奉膳金之半爲脩脯敦忠盡  
卻不取矩範森然士敬愛之祀于名宦

國朝張彥珩字九如雒陽人丙戌進士順治十一年  
知興化甫下車會征南禁旅經臨時兵荒之後連  
歲大饑調度芻餉猝弗給民惴惴散匿山谷間彥  
珩繪流民圖上進復請發太倉粟爲糜以賑活士  
庶至今思之

顧鏞吳縣人丁亥進士順治十四年由戶部卽知興



化爲政務存簡靜訟者隨牒剖決事無少留滯在郡三年民不知有吏庭可張雀羅馬尋陞廣東督學副使

趙世安字惟康遼陽人鑲紅旗康熙二十七年由仁和知縣擢郡同知爲人嚴毅多幹畧綽有趙廣漢之風每訴牒差役持票拘訊不許索原被一錢胥吏畏其嚴罔敢犯潔清自持苞苴不入禁樗蒲之戲有偵得之紈袴子弟必罰以示儆賭風爲之稍戢卽以罰鍰重修木蘭陂後攝詔安篆卒于官

興化府莆田縣志

卷八

職官

三名

張份字元斤東筦人康熙十一年由舉人知縣事時山海無警士民樂業份下車一以簡靜爲治愛民好士未踰年以憂去士民惜之